


W731
35

白山詩集

六

鳴雀篆

W131
35



45.6.10

830505

白山詩集卷六

信州高遠 高橋敬十郎子和著 男 作衛子熙輯

五言絕句

白山樓雜詠節錄

岩岫雲絲吐。鳥啼山更幽。老松寒翠滴。中有讀書樓。
書窓初日上。坐聽早鶯聲。夜雨沾芳草。南郊入曉晴。
歲月如流水。春風幾去來。林花落無影。山月照蒼苔。

早起又繙帙。圖書堆積中。倦來移綠竹。窓下有清風。
隔水輕雷響。斜風吹雨過。柳邊眉樣月。涼氣夜來多。
茅屋幽岩下。寒山一徑通。林禽棲不定。颯々老杉風。
墜葉蕭々下。萬山瘦骨稜。霜風吹有力。磨出一輪冰。

分賦高遠二十勝

城裡春光好。何如野外清。問花々不語。鳥答二三聲。三溪黃鳥

枕山曰。花是賓。鳥是主。

日暖樵歌和。春嵐欲染衣。植花皆弛擔。各插一枝歸。猪麓歸樵
春雨織於縷。綿々斷又連。輕風吹一掃。散作滿村煙。葛村煙雨
藏山一輪月。夜々照清秋。相見不相厭。人憑城外樓。藏山秋月

半峰鐘閣聳。一吼發清機。響徹霜林外。蕭條送落暉。峰閣晚鐘

枕山曰。所謂一氣呵成。既為陳語。故曰一著安頓者。

書懷

讀書昨登官。讀書今誤身。不知非歟是。又作讀書人。

鉢崎到鯨波。海路甚險。因取路米山。

童心除未去。尙被老親憐。謹記丁寧語。迂途勿上船。

示家塾諸子

十年窓底雪。一日陌頭塵。隨處鶯花好。春風惱殺人。

辛卯春。角田燕處見訪。分韻賦十二絕。節錄

故人多隔世。回首轉悽然。老後交遊感。一年深一年。

窮達知時命。徘徊悔昨非。虛譽果何用。畫餅不瘳飢。
庭草自榮枯。林花遞開落。百年如一朝。不復改其樂。

義仲訣藤原氏圖

題畫百絕節錄。

四面楚歌起。帳前嘶玉駟。英雄離別淚。徐灑斷腸花。

枕山曰。着徐一字。英雄氣象。溢於詞外。

本能寺受圍圖

蕭牆招慘禍。中道墜其身。空惜離朱眼。難除睫上塵。

木下藤吉婚媾圖

功名英傑累。末路枕難安。聚落花如錦。不爲藁席歡。

歷山王

西國詠史百絕節錄。

殺敵三十萬。失兵只一千。自言天命我。世界統裁權。

拿破倫

懸軍臨敵境。筒牘治庭園。英傑非凡處。胸中餘地存。

乞林登

歐土戰塵絕。熙々一面春。功成慚債主。大膽小心人。

題金蘭集後

交意淡於水。只期同始終。片言不曾出。銘在寸心中。

贈今井長野病院長

院長名政公。夙入大學。修醫業。長外科。其技極精。屢見回生之功。爲人純真。峭直。不苟言笑。人皆信。

之。在職二十餘年。患者常滿院中。庚寅歲。余患腦請治。病癒後。贈一絕以謝。

良醫能起死。一匕効如神。服藥三旬後。陽々氣復春。

登旭山途上示中山久四郎。
林間啼鳥好。停杖立多時。廟外巨岩起。拂苔題一詩。

曲肱子見訪。同賞菊花。賦一絕贈四溟精堂瓢湖三子。
山園秋色好。同賞菊花新。吟榻斜陽影。蕭然對坐人。

贈山中隆千。

隆千善醫。開業橫濱。忠者盈門。人呼曰流行醫。

董家積陰德。花發杏林春。良相有時命。國醫能濟人。

書懷示杉浦梅潭。

吾有胸中氣。畏途慵步趨。名韁兼利鎖。不縛曠間夫。

題家塾壁。

國家隆盛本。只在一言中。兄弟四千萬。勿忘孝與忠。

病間賦一絕頌子弟。

清風吹病枕。穩臥夢猶閑。名刻信山石。神遊天地間。

輯者曰。此外五言絕句。有詠經子史千絕。今省略之。

省軒曰清曠。

次大槻盤溪韻。贈弘秋里。秋里善鐵筆。

誰說當年護國勞。彩龍潛影氣空高。餽羊愛在彫蟲技。寸鐵猶存日本刀。

省軒曰。筆鋒穎利。亦是一個日本刀。

觀佐久間象山詠楠公詩。

淋漓元氣筆端生。文陣堪當百萬兵。拔地倚天三十字。宛然千窟碧崢嶸。

毅堂曰。拔地倚天四字。評韓文者。亦可以評此詩。

贈青山迂齋。促懷舊集序言。

一帙遺詩懷舊情。卷頭編末各家評。片言唯欠迂齋序。猶若彫龍未點睛。

題古曳磐谷畫江山驟雨圖。

半江殘日送奔雷。水外峯巒雲未開。漁客歸家魚活潑。滿簑猶帶雨聲來。

枕山曰。第四句。不讓查初白。

乙亥季春。雷雨驟至。見瓶花有感。

殷雷如吼響轟然。難破暖衾春曉眠。一朵瓶花床上在。不知風雨滿窓前。

題藤林桂谷畫。

細流繞屋竹爲樊。世外韶光寂不喧。碁局敲殘人已散。滿簾梅氣月黃昏。

臥病。

服藥三旬廢酒茶。短窓深鎖縮如蝸。病中春到春還去。不喜開。花。恨。落。花。

松塘曰。結句真情。

病起。

鼎鼎春光去不還。百花落盡鳥聲閑。今朝病起開窓座。新綠半遮溪外山。

松塘曰。結句實景。

讀松園遺稿。

松園詩。清澹有雅致。

爭據騷壇樹鼓旗。鈎章棘句鬪英奇。無人會得吟中趣。伸欠讀過清澹詩。

龍橋訪友。

春崖水激見崩沙。野景融融一路斜。處々立筇聞好鳥。吟行三日到君家。

寄桐原集一。

地扼海門形勝雄。陰風怒吼浪翻空。小樽港上立駒望。直北俄羅指點中。

追痛佐藤竹軒。用其新秋夜座之韻。

陋巷曾留故友車。一壺家釀剪園蔬。無情獨有新秋月。依舊
年年到草廬。

侍賜祥翁病床。代和京友寄詩訪病之韻。

病床殘燭影幢幢。霖後激濤聲滿江。憶起琵琶湖上夜。松風
吹雨洒篷窓。

枕山曰。唐賢遺響。又曰。學元稹更生新色。

大連峯聞雷。

在高遠藤溪北絕頂。建物部公祠。

雲滿藤溪日色昏。挾風斜雨似翻盆。殷雷不觸靈山頂。走在
西南脚下村。

節堂曰。筆鋒快利。不啻風馳霆擊。物部公威靈自見。

東京歸途宿保福寺村。

連日京櫻被暖催。信山未見早梅開。溪村一夜釀花雨。還向
曉天爲雪來。

枕山曰。新麗。

南信歸途過鋒持棧道。

上伊那郡高遠。

棧底巉巖銳若鋒。閑雲出岫繞前峰。埋蹊墜葉歸途遠。落日
秋風古寺鐘。

松塘曰。高青邱。

高遠四時詞三十二首。節錄。

濕雲釀雨夜寒輕。稍覺山城春意生。曉起又看三尺雪。填街

白
山
詩
集
卷
六
履履寂無聲。

南郊草綠早梅紅。黃鳥出溪呼曉風。川畔樓臺煙雨霽。春山帶笑入窓中。
山村到處遍芳菲。女伴相携鬪草歸。夾路菜花香滿袖。雙胡蝶逐人飛。

枕山曰。三十二首。淡真質實。所感在性情隱微間。

送松塘到飯田途中作。

斷崖千尺俯清潭。一帶水煙連暮嵐。剛有閑雲飛出岫。無心相逐過溪南。

天畔群峰翠作堆。崖頭立柱幾低徊。村翁笑向先生說。不爲

溪山不肯來。

枕山曰。亦宋人。亦清人。

飯田客舍示松塘。

吟行十里趁征鞍。山驛蕭々日色寒。佳句自知天爵貴。得官容易得詩難。

枕山曰。好詩好官之難。并有。甚于良辰樂事矣。

閉居。

雀羅門外絕囂塵。一室琴書養我真。山月溪風如故舊。欸然來伴遣餘人。

螢雪幾年徒苦辛。漫言斯道誤斯身。一朝博得滿城笑。多學

何如無學人。

枕山曰。善謔。使人笑。使人嘆。

野口村僑居。答友人見寄。

寂寞荒村小徑斜。一籬瘦菊是吾家。涼風淡日低飛蝶。衰翅
溫存護晚花。

枕山曰。衰翅亦見精彩。

野口村賞月。

迎月荊妻勸酒杯。嫩蔬香菌費鹽梅。休言村釀薄於水。野店
煩卿除得來。

枕山曰。三四。醞藉無窮。

木曾末川途中。示渡邊千秋。木曾廻
校中。

岩路崎嶇古木蒼。人煙疎漠地荒涼。吟懷槎觸桑梓感。隔水
青山似故鄉。

木曾德音寺聞瀑。木曾廻
校中作。

一縷岩泉細瀑懸。水花迸枕玉珊然。不知明日晴歟雨。琴筑
聲中達曉天。

夜到與川校途中作。步杉浦義方韻。木曾廻
校中。

重山層岳勢巍然。路入蘇溪似上天。峻坂九廻高極處。月離
嶺角落輿前。

寄題木曾山村氏清音樓。

世外溪山世外情。方逢昨雨早涼生。想君靜夜思詩處。燈下收書聽水聲。

枕山曰。結句醒快。

讀書樓在碧溪間。四顧無隣只見山。霧帳雲帷開又掩。時々分榻請孱顏。

枕山曰。亦隨園。

再過南信。

以下四首。伊那郡廻校中作。

人家半在白雲間。綠樹鶉鳴晝自閑。十歲重過南信路。青山不改舊時顏。

塵鹽途上。

壓頭石骨露嶔拳。仰見懸崖吼瀑泉。楓樹江流殘日外。雲歸寸碧落遙天。

枕山曰。一二之句。自是江西派。

至遠山村途中作。

溪路紆回往若還。清流伴我響潺湲。松間楓葉岩間瀑。終日看山不厭山。

枕山曰。妙在結末。

下天龍川。

舟行盡日萬峯間。苔澗雲寒石怪頑。左折右廻追岸轉。翠屏曲々雨餘山。

枕山曰。龍水好景。自畫裏來入詩中。

和渡邊楓關宿函山見寄之韻。

函嶺立駒炎日收。雲山千里入鄉愁。溪窓夜靜早涼動。夢落鵝湖垂酌舟。

晚春同轟松齋遊岩原。

安曇郡。研成學校。寄寓中作。

一路輕風尙帶香。幽林處々見殘芳。閑行不敢求佳句。品水評山到夕陽。

同中村黑水翁藤森桂谷游池田途中望有明山。

有明高秀白雲端。宿霧晴來立馬看。十里清沙擁山麓。瑠璃杯覆水晶盤。

淺間溫泉。

信州。秘本。

湘簾月碎影玲瓏。幽興尤宜寂寞中。浴後高樓涼似水。竹簟支枕聽松風。

題祖母育孫圖。爲白井近一。

明朝依例賀正辰。殊喜幼孫添歲新。一領春衣縫未畢。暗燈挑盡坐鷄晨。

倚門偏待晚歸遲。豈料群童事戲嬉。自覺老來憂慮甚。育孫情異育兒時。

枕山曰。愛孫甚於子者。蓋衰年之感也。

一穗暗燈秋夜長。阿孃心事爲兒忙。史書課罷更猶淺。說起

當年古戰場。

枕山曰。寫出愛育情事。詳悉無遺。亦不讓隨園。

誠意區々願立身。朝昏相伴讀書人。誰言老去無娛樂。爲愛
咿唔忘苦辛。

節堂曰。雖不孝人。讀此詩。則至情與矣。

朝炊晚爨太匆忙。冬要裘溫夏褐涼。老母不知憔悴甚。爲孫
只說養生方。

枕山曰。孫能諒祖母之情。亦爲今世季令伯也。

改詩。

春窓鎖月撚吟髭。要削蕪詩誦古詩。一字改來吟未穩。坐看

梅影逐更移。

松塘曰。非深於詩者。不能知此段况味矣。

北遊詩節錄。

佐洲隔海杳雲煙。越嶺當樓秀碧天。千里風光如罨畫。蒼々

送翠洗靈泉。

赤倉溫泉。中頸城郡。赤倉溫泉。浴槽中。遠景最佳。

古木寒山鎖翠氛。霜臺遺跡夕陽曛。峯頭獨見林泉寺。七字

伽籃帶白雲。

春日山。謙信城址。只存古木耳。山上林泉寺。境內七萬五千坪。

三層高塔白雲飛。一杵鐘聲澹夕暉。國府舊墟存五智。佛頭

金粉放光輝。

五智國分寺。國分寺東。有國府舊墟。寺存五智如來金像五體。

涼風度水透絺羅。倚遍欄干望絳河。忽見寒光流萬里。躍然

銀兔浴清波。

五智海樓望月。

一條砂路北溟濱。拍岸高潮少旅人。孝子回車非避險。地名

尤忌不知親。

不知親濱。青海至市振海岸俗稱不知親不知子濱。

輿有病妻車有兒。左回右顧懼傾危。崩崖沙路行難盡。又見

前程日影移。

到柏崎途中。

枕山曰第三句。胚胎楊誠齋更出新意者。

鬣赤鱗青滿水涯。早朝成市太喧嘩。魚堆輸盡無人影。又見

閑鷗占白沙。

出雲崎海岸漁市。

荊釵蓬髮掩粧奩。咿軋機聲隔葦簾。終日拋梭不盈尺。千絲

萬縷織織々。

小千谷。北魚沼郡女工最精。以越絺聞。

百尺深坑搆井樓。滿山無地不良油。源々石腦多於水。照遍

文明八十州。

妙法寺嶺觀石油坑。

新潟詞三十首節錄

信水滔々接海流。硝窓放眼望悠悠。火輪轉罷絃歌起。現出

繁華大埠頭。

信濃川以下新潟詞

街市縱橫碁局開。雲廊水榭萬樓臺。南人休說浪華富。新潟

繁華北道魁。

新潟市街。

公園逐暖萬花紅。遊客成群夕照中。二十四番春遞好。樓々

絲竹和東風。

新潟遊園。

妓權有力攬繁華。潤得埠頭一萬家。千朶櫻開白山社。紅粧

成隊艷於花。白山媛社。

春雨霏々漏點疎。咿唔聲和硝窓虛。憐他二八嬋娟女。不解嬌歌解讀書。新潟女學校。

枕山曰。結句得一番色澤。

狂葩顛絮滿街塵。狼藉花容惱殺人。此境別存風教美。繡幃深鎖未開春。新潟女紅場。

松塘曰。無限風神。

門外喧填萬客車。日和岡上夕陽斜。大山美酒信川鱸。遊客終年不憶家。日和山酒樓。

紅燈星係五層樓。一港豪華在夜遊。沿襲弊風若能改。信濃

河水亦南流。古街妓樓。今移島遊廓。

枕山曰。自帶古調。

梢頭掛月照黃昏。梅榭櫻亭笑語喧。屐履何妨來踏破。朦朧花影遍春園。公園春月。

豪竹哀絲水畔樓。金波灑々月光浮。薄遊多是天涯客。七十二橋同賞秋。江樓秋月。

春老紅塵萬斛間。曉風憔悴好容顏。肩摩轂擊人闐噎。花謝花開總不關。新潟古街櫻花。

新潟雜詩節錄

酒醒孤客惹閑愁。鳥兔匆匆去不留。江上梅花飛似雪。春深

遠。笛。起。高。樓。

新馮春晚。

即山曰。調在唐明之間。

一盤梨子侑吾觴。無復鮮鱗來上塲。日夜海潮鳴不止。疾風

捲地二旬強。

新馮晚秋。

一自歸鄉省老親。四年四處值佳辰。橘黃蟹赤歲將暮。猶是

天涯漂泊人。

新馮天長節。

枕山曰。橘黃蟹赤。好風味。又鶻風味。可以忘漂泊之愁矣。

青山埋骨阜頭西。千里故園魂欲迷。樹下荒墳人不掃。年年

花落子規啼。

信州諸氏墓。新馮西。日和山。葬信州人官于新馮而沒者。中有舊友。因聊設絮酒之典。書感。

新馮客中思鄉。

旅窓殘夢恍難尋。遠笛一聲江月沈。堂上應添雙鬢白。思鄉
心。比。去。年。深。

節堂曰。孝子愛日之誠。有不能自禁者。

遊佐洲。

三。帝。乘。輿。幸。海。洲。風。濤。萬。里。路。悠。々。楓。紅。蘆。白。年。々。恨。地。角。

天。涯。各。處。秋。

順德帝宮趾。佐渡。雜太郡。泉村有宮趾。

二。十。星。霜。駐。鳳。車。行。宮。歲。々。感。韶。華。童。謠。入。譜。人。哀。絕。佐。渡。

春。風。御。所。花。

御所櫻。帝在行宮。二十二年而崩。

低。徊。弔。古。感。情。多。悲。淚。新。添。北。海。波。夜。雨。松。風。唐。崎。恨。島。人。

猶。誦。侍。姬。歌。

一宮社。順德帝侍姬慶子祠。轉句用侍姬歌。

怪奇狡獪膽何雄。庇弱憐孤義俠風。披著法衣漫玩世。青山埋骨萬緣空。

僧文覺墓。在雜太郡三宮村。

即山曰。子和詩動人處。在事與情不在字句。

越中立山。

劍山以下支峯七十二。

脚前七十二崢嶸。雙手抉雲摩太清。履響蹀然霄漢上。人間定聽步虛聲。

篠原古戰場。

加賀江沼郡。齋藤實盛戰死處。有首塚及洗首池。原上秋花如錦。

錦袍染髮伍青年。池水灌來雪滿顛。淒露涼風原草秀。秋花鋪地血痕鮮。

新田公墓。

在越前坂井稱念寺。

墓前弔古思難禁。跪捧香花淚濕襟。事不可為々。不已亦同楠氏七生心。

即山曰。轉句七字。道破公心事。如見其肺肝。

金崎懷古。

孤城食盡卒皆僵。義骨忠屍委虎狼。泣掩史乘難忍讀。一行先下淚千行。

即山曰。言發至誠。自感動人。

氣比松原。

有武田耕雲齋以下三百九十六人墓。

危時破毀汝長城。豈顧焦眉外患橫。倭幕大藩戕志士。不令哀訴達皇京。

雲外曰。遊思不測。且。書志士以佞慕吏者。噫。是何心乎。

遊村上途中作。

一聲遠度半山鐘。又見殘陽隔水春。風急林鴉棲不定。溪村暮色近窮冬。

松塘曰。一幅枯木寒鴉圖。

村上雜詩五十首。節錄。

北地又逢春色催。二三吟友促遊來。前宵雨洗溪間雪。一路東風訪早梅。村上客中尋梅。

松塘曰。雨洗二字妙。

一辭堂下五迎春。每值花時別恨新。家在駭濤層嶺外。不知

何日省雙親。

村上中學。觀櫻花。私立中學。在越後岩船那。

村上客舍思鄉。

浪遊歲々恨逾深。辜負家山省養心。綠樹新鶻殘月白。曉窓鄉夢杳難尋。

村上客舍寄鄉。

授衣候到夜如年。堂上思兒合不眠。燈下書成緘又發。更添細字說安全。

省軒曰。至情藹然。

得家書。

八行草々付雙魚。報道家嚴病未除。一夜客窓心緒亂。幾挑

燈火讀來書

枕山曰。孝子胸中。苦悶可想。

將歸家

故國有親年已衰。行裝日夕待歸期。意中此喜難禁得。去作堂前戲舞兒。

枕山曰。心魂飛越。已在堂下。

庚辰晚春歸家

城池頽廢變桑田。櫻樹花空春寂然。當日交遊零落盡。一村破屋鎖荒煙。

庭梅

先人所栽。

小流水泮響淙潺。苒々光陰過一年。童子不知追慕切。只言求句立梅邊。

松塘曰。如讀蓼莪詩。

壬午春先考忌辰前五日弟利往利和皆至

林鳥苑花春自愁。東風寂寞鎖山樓。膝前同習咿唔處。空見琅玕插壁頭。

松塘曰。亦蓼莪遺音。

次渡邊楓關之韻

海天曙色更悠悠。看到蜻蜒洲盡頭。一鷲奮飛摩碧落。凜然霜氣薩南秋。

節堂曰。見弔丁丑戰迹之意。

小諸城雜詩五十首。節錄。

孤峰峭立石巉々。勢倚青天劍脫函。筑水激來翻白雪。清波

洗出一層岩。

布引山。信州小諸山。有釋尊寺。

筑水溶々接遠空。峰巒起伏亂雲中。兩崖楓葉分濃淡。半是

芽黃半錦紅。

筑野河觀楓。

園植梅櫻樹作叢。新祠鎖在落花中。侯家盛事爲陳迹。依舊

黃鶯喚晚風。

懷古園。小諸公園。

數間茅宇傍孤松。滿店清風寒翠濃。雲際萬山重疊外。高抽

八朶玉芙蓉。

小諸富士見坂茅店。

繁絃急曲夜將闌。舞袖淒々風雨寒。豪氣百年磨不盡。又從

少壯結交歡。

飲某亭。示同遊諸子。

壬午元旦歸家。

偶逢元旦在鄉園。膝下團欒醉壽樽。今日北堂多喜色。慈顏

帶笑對兒孫。

松塘曰。人爲陳套。然亦盛唐遺音。

醉中吟。

兜城壯士結交歡。腰下雙龍紫氣寒。笑我衰來餘俠骨。醉中

仍發劍函看。

省軒曰。豪壯。

長野雜詩二百首節錄

水分兩郡一橋通。列岸群岩役鬼工。遠嶺如煙近山黛。好風景在淡濃中。兩郡橋。上水內。更級郡界。

旭日山南淑氣新。宵前輕雨洗遊塵。雞聲唧噥茅茨曉。月白杏花千樹春。安茂里杏花。上水內郡。

即山曰。風致自洗遊塵三字生。

仙鶴冲空去不歸。白雲千歲鎖神扉。萬松翠滴靈山曉。一任天風吹我衣。登舞鶴山。山在松代祭真田氏祖先靈。山皆松樹。風景尤佳。

長野四時詞三十二首節錄

鶴巢影靜白雲層。屐履聲寒冰雪凝。巨刹年新修法會。煌々

先放。上元燈。春

青雲亭上客如雲。綠樹清風酒半醺。妓伴下車時。樣淡綺筵輕曳柳花裙。夏

牽牛花發早涼回。東嶺晴曦影未開。一路曉風清露澹。筆姿杯樣列盆栽。秋

隔水萬山雲影重。紅楓落盡入玄冬。雨餘頓覺新寒動。雪白北東三四峯。冬

即山曰。體似竹枝。不涉淫靡。

某館會醉甚明日謝諸子

蹶跚移步跋崢嶸。痛飲何知險路橫。只賴諸君扶我醉。鬼峩

支得玉山傾。

醉中作示中村彌六。

駁人口吻無餘力。快飲雄談五十年。醉夢場中吾事足。一生違世不違天。

夜觀芙蓉湖。

宇佐美定行沈沒處。

古廟荒涼夜色愁。悲風吹水鬼啾啾。波心何處沈忠骨。月冷芙蓉萬頃秋。

枕山曰沈痛悲涼。

送志賀重昂之南洋。

重昂常喜誦吉兒詩。

行矣扶桑快男子。橫濱解纜勿遲々。硝窓月淨涼如水。起唱

吉兒獨逸詞。

平穩村溫泉寺見兒玉果亭畫梅。

果老揮毫快逸哉。素葩冷蘂雪成堆。無端訪到溫泉寺。飽見橫斜滿壁梅。

覽今井兼平遺劍爲今井千尋。

今井村在琵琶湖北世出賢才云。

今井裔孫慶那窮。昊天長不棄純忠。一函秋水傳遺物。時見湖村吐白虹。

重送河野恒吉遊于北海道。

回思前事更添愁。君賦東遊我北遊。十載相逢乍相別。依遲風景信山秋。

白
山
詩
集
卷
六
即山曰亦高青邱。

讀角田香雲懷古園詩有感次其韻。

公。園。春。色。久。關。情。歲。々。空。思。小。室。城。又。爲。新。詩。添。舊。感。分。明。
一。夜。夢。山。櫻。

櫻花詞送中山禎二郎之米國。

滿。地。香。風。滿。地。霞。藹。然。和。氣。發。精。華。誰。分。名。種。栽。歐。米。開。遍。
東。洋。第。一。花。

次渡邊無邊之韻。

老。餘。養。病。臥。山。樓。百。歲。行。藏。付。繆。悠。生。是。患。胎。身。苦。本。消。除。
二。者。有。方。不。

送石川重玄之靜岡。

交。遊。集。散。夢。頻。驚。一。曲。驪。歌。奈。別。情。三。歲。猶。爲。犀。北。客。城。山。
風。月。送。君。行。犀。川。名。

丁亥歲晚作。

夫。妻。相。對。坐。更。長。饒。歲。溪。魚。脩。酒。觴。爲。待。二。兒。成。業。日。不。憂。
雙。鬢。又。添。霜。

戊子元旦。

時母歸鄉里。二兒遊學于東京。余獨留在長野。

七。旬。母。幸。在。家。鄉。每。爲。兒。孫。祈。健。康。各。地。賀。正。書。達。日。定。知。
喜。氣。滿。高。堂。

即山曰詩之成於情者。

送兒作衛遊于九州

巨岳大川行路長。荒墟遺跡幾興亡。此遊休訪古名勝。先弔薩州新戰場。

櫻花詞。餞小早川潔赴鳥取縣師範學校。

萬櫻爛熳吐芳葩。笑向歐洲競國華。一朵餞君君愛重。神州子弟是斯花。

即山曰。櫻花詞。直寫我國風。自是一體。

贈福島大佐

大佐。名安正。信濃人。跨馬歷遊歐亞二大洲。上烏拉山絕頂。題姓名於石云。

鐵蹄蹴雪上青空。日本男兒膽氣雄。烏拉山頭題字處。龍駒嘶斷半天風。

梅潭曰。如讀明人詩。調在李何之間。

送宮下貞象歸鶯湖

貞象。為師範學教官。聞父病。辭職而歸養。

踏雪單身向故山。勸盃惜別夜將闌。感君至性慕親意。暗覺春風生坐間。

題畫絕句。節錄

仰思皇德俯思親。天地無容少一身。豈類源家生鬼域。世為不孝不忠人。
平重盛祈死圖。

落花深處卸金鞍。遙憶舊都春已闌。恨殺前遊難入夢。滿身香雪鐵衣寒。
平忠度宿花下圖。

鹿門曰。自滋賀詠。着案來。更覺悽愴。

東。夷。萬。鏃。集。龍。舟。擁。坐。妃。嬪。奈。冕。旒。水。底。皇。都。何。處。在。煙。波。渺。夕。陽。愁。

源軍射龍舟圖。

梅潭曰。感慨嗚咽。臣子忠憤之誠。溢於紙上。

強。整。衣。裳。舞。態。優。清。歌。一。曲。滿。場。愁。佐。公。棣。萼。恩。情。薄。豈。解。吾。儂。慕。豫。州。

靜女奏舞圖。

即山曰。古調婉變。情餘於詞。

曉。霧。冥。々。天。未。開。越。公。勒。隊。下。崔。嵬。八。千。精。騎。兵。鋒。直。一。陣。衝。颺。捲。地。來。

越公斫甲營圖。

兩。軍。相。搏。血。朱。殷。戰。馬。騰。驤。二。水。間。猛。將。精。兵。支。勁。敵。甲。營。不。動。屹。如。山。

甲軍支越兵圖。

鹿門曰。如親親當年激戰之狀。

人。生。有。死。復。何。哀。醉。舞。酣。歌。壯。快。哉。金。鼓。一。聲。天。地。動。陣。頭。驅。役。疾。雷。來。

織田公乘雷雨。襲駿軍圖。

鹿門曰。健筆亦驅疾雷來。

風。暖。長。坡。草。若。氈。一。聲。短。笛。破。春。煙。痴。牛。放。去。哺。時。近。猶。就。桃。花。鬧。處。眠。

牧童圖。淮南子曰。日。至。悲。谷。謂。哺。時。申。時。也。

四。山。繚。繞。似。圍。屏。密。樹。森。々。晝。尚。暝。利。斧。礪。來。不。憂。虎。雲。林。深。處。學。丁。々。

樵童圖。

毅堂曰。暗寫尚武國風。

輕。雷。一。震。蟄。方。伸。凍。筍。穿。苔。嫩。玉。新。只。恐。南。薰。吹。作。竹。朝。々。

不得獻慈親。

童子獻笏圖。以上十首題畫百絕中詩。

毅堂曰。一首一意。百絕皆存諷戒。不與尋常題畫詩同。

東遊詩一

鬼斧修成萬世功。飛驒內匠是良工。架天橋勢去支柱。日本

三奇名不空。

猿橋。架甲州北都留郡桂川飛驒內匠所造。

機山將略武威揚。旗幟精明百戰場。何用堅城高九仞。四隣

兵不近封疆。

甲府古城。經曰。天子之城九仞。公侯七仞。伯五仞。子男三仞。

亂山高下曉雲低。坂路透迤傍碧溪。莫是東君猶駐駕。深林

處。々。有鶯啼。

夏日過篠子嶺。

松塘曰。都下之人。或未聞此聲。

女事養蠶男耰耔。島風民俗兩相宜。尤憐弄杼織。々。手。咿。軋。

織成生業基。

八丈島。伊豆七島之一。所產織物。俗呼曰黃八丈。

貔虎森嚴幕將營。一刀報怨孝兒情。古今我國復讎美。屈指

先稱兄弟名。

曾我兄弟墓。在駿河富士郡。

富士山

五大洲中第一奇。三峰高秀海雲涯。古今同望芙蓉雪。誰賦

乾坤不二詩。

枕山曰。壯語磊落。似李謫仙。

三保松原

在駿河清水港南。

一帶白沙寒翠濃。映輝八朶玉芙蓉。神州名岳天然景。半在

港南清水三保松。

枕山曰。與富山詩不多遜。

東遊詩二

武尊東伐掃荒萊。沃野連天萬井開。碧海風收明似鏡。吾孀不見使人哀。
碓氷嶺。

省軒曰。典老。

四箇洞門雲霧封。鬼工神鑿萬岩重。巒岌巖巖無雙景。雄大唯輸富士峯。
妙義山。上野國。

東京

大川曠野接長空。旗影帆檣碧海風。初日朝昇宮闕下。斜陽

夕沒市街中。

翔鳳飛龍紫氣中。九天奏樂動春風。蒼松挺々千秋色。聚翠籠煙秀碧空。
宮城。

地生天作併人工。品物流形一苑中。不獨林丘泉石適。階前千里察民風。
吹上禁苑。

櫻樹花開競馬場。萃然華表插穹蒼。一遊五歲宵々夢。館裏古刀秋水光。
靖國社。乙未冬。余遊遊就館見古刀。爾後五年間。夢寐不能忘。

鹿門曰。余亦有日本刀歌。蓋廢刀後。士人愛刀之情愈深。

千尺飛橋月一彎。近帆遠鳥暮雲閑。天邊半鎖富峯影。海上斜開房總山。
永代橋。

枕山曰。寫景之妙。在開鎖二字。

觀客傾都軋。車長橋扇影。夕陽斜。船中爆響雲中火。一夜江天頃刻花。
兩國橋煙火。

枕山曰。承句尤妙。

會堂新築帝王州。塔影岌乎凌斗牛。一系神孫垂跡地。外邦教適國風不。
駿河臺教會堂。露國。耶蘇傳。教師所建。

城井壽章曰。其言穩當。結句變而不發。保萬鈞之力。

大道昭々萬世師。孔曾思孟聖賢祠。維忠維孝彝倫教。二百餘年文治基。
神田聖堂。元祿中。德川綱吉築大聖殿。舉釋典儀。

糝糊林影曉。天霞萬朵芳葩雨。後佳處々名園櫻未發。春風

先到忍岡花。
上野公園。

枕山曰。輕々下筆。寄々皆真。

石階重疊試攀登。高處高窮塔五層。帆影遠追飛鳥滅。亂山橫海暮雲凝。
愛宕山。石階重疊。登坂達社。社地更築五層高塔。

萬松山畔梵宮春。幽草閑花拜墓人。車駕東巡天使下。追褒四十七忠臣。
泉岳寺。王政復古。車駕東巡日。特發勅使。賜金帛以追褒赤穗四十七士忠義。

陰雲慘愴日光愁。遺恨難消矢口流。惆悵春秋無義戰。水濱誰復問膠舟。
矢口渡。新田義興沈沒處。

湖山曰。用典最切。

答意優柔寄國詩。荒村避亂定名姬。英雄手挾孫吳策。難競

棣棠花一枝。

山吹里。在北豐島郡高田太田道灌借錢處。邦人呼棣棠曰山吹。

北郊塵起酒旗風。萬客留車愛晚楓。照水映山千樹錦。無音

川上夕陽紅。

瀧之川紅葉。在北豐島王子社側。瀧之川一稱無音川。

氷川社古幾千秋。三座靈威護帝州。說起武尊神劍德。悲風

生席萬松樓。

氷川社。武州一之宮。爲官幣大社。武尊東征祈戰。社內有公園古木森然。有樓名曰萬松。

夾岸櫻花影接空。層雲堆雪一朝風。紅塵十丈馳車客。來入

清香萬斛中。

小金井櫻花。在武藏野多摩川兩岸一里。栽櫻樹。

飛鳥閑雲日影清。箱根嶺上霧初晴。群巒繞屋舒眉黛。樹杪

湖光一片明。

箱根驛。

湖山曰。景致極多。

初日騰霞映翠螺。暮雲載雨注蒼波。風光不一香澄浦。峯影

湖容變幻多。

霞浦。在常陸信太郡一稱香澄浦。湖周回三十四里十七町。

春山曰。朝暉夕陰。亦洞庭湖勝概。輕筆提過。妙在言外。

六尺身軀總是誠。只知愚直致忠貞。任佗當日呼爲鬼。剛毅

長傳作左名。

本田重次墓。在下總北相馬郡。

一宗悲慘久關情。孤立獨存三位名。惻々動人辭訣詠。衰年

猶未見春榮。

賴政社。在下總古河。

湖山曰。一宗皆衰。三位之榮非榮。

慨然決志死成仁。義俠千秋足起人。藩士皆爲自全計。未聞

一語及窮民。

宗吾靈堂。在下總印旛郡公津村。木內宗吾埋葬地也。

法光寺外古墳塋。老樹陰濃綠草生。舊記散亡無可徵。歌仙
事跡不分明。赤人塚。在上總山邊郡。大和宇陀郡。亦有山邊赤人墓未分明。

菱花灣綠夕陽沈。陵谷滄桑感更深。當日遺墟何處在。荒煙

漠々迹難尋。

里見氏城趾。在安房國館山町東。

春山曰。子和詩。直寫情懷。寧不工。不流虛飾。是其所長也。

西遊詩一

一宗魚肉死。銜冤誰慰良。人地下魂。雪竹非無貞。節在低垂
只爲護龍孫。常盤墓。在美濃不破郡。

枕山曰。措字太巧。

玉樹摧殘瘁紫蘭。二王永訣語悲酸。青原朝露相川水。難保

壘。篋疇昔歡。

春王安王墓。在美濃垂井。二王足利持氏子。爲義教所害。

祥瑞並臻隆治時。美泉涌出似醪醕。聖朝更勸綱常道。養老
改元旌孝兒。養老山醴泉舊迹。

枕山曰。不讓星翁。

山河形勝霸圖基。驕將招亡復咎誰。彼吉法師非小敵。三州
徒博一苔碑。今川義元碑。在尾州桶峽。

枕山曰。誰彼字。得古人用法。

天主閣高雲影橫。一雙金鏡日光明。海山二道要衝地。宏壯
併稱江戶城。名古屋城。

京都。

欣々卉樹負朝暄。御苑春風雨露繁。鳳殿龍樓雲五彩。高懸日月照宮門。舊禁內。

仙洞塵寰境不齊。林泉景古紫雲低。綠陰深處存宮趾。鎮日春禽繞樹啼。仙洞御所。

大道長橋舊帝都。豐公東伐憶雄圖。摩娑觸手千年物。古色欄干擬寶珠。三條大橋。秀吉東征。架加茂川通軍。欄干猶用當時擬寶珠。

幽棲跡古沒荒萊。塔影雨寒沾碧苔。春去春來人不見。軒端又發一株梅。泉式部墓。在誓願寺南。墓側有軒端梅。

燎火煌々徹五更。紅氍翠幕醉歌聲。萬花夾路人無顧。爭賞垂枝一樹櫻。祇園櫻。在八阪神社東。有祇園夜櫻名。

危閣高樓樹影遮。春雲靉靄繞檐牙。洪音瀏亮林花駭。一吼華鯨送落霞。智恩院。

名家奕世盡儒流。傳到山陽學殖優。王霸辨明正潤定。一枝史筆有千秋。賴山陽墓。長樂寺。有賴氏數世墓。

奠鼎千年九土平。老松擁塚綠雲生。將軍西面東山頂。鐵甲彫弓護帝京。將軍塚。桓武時。埋土偶人於東山上。鐵甲西面。以護王城。

孤鴻影沒杳冥中。無復世人知此翁。自比當年錢若水。急流勇退接高風。芭蕉堂。在双林寺。翁仕藤堂侯。活水有功。而固請辭職。

遺迹猶存大雅堂。歌仙柱礎閱星霜。又知夙世繆詩客。繪畫唯傳萬世芳。大雅堂。堂用歌仙堂古柱礎。翁尤善和歌。人只知畫名耳。

老樹參天翠色浮。豐家古廟帝王州。胡枝花發高臺寺。玉露金風淨界秋。高臺寺。

雲外曰。居然唐音。

人倚高臺似御風。懸崖飛起梵王宮。淡南島岌模糊裏。一朵

金峯插碧空。清水寺。堂前高臺。望金剛山及淡路諸山。

蕭寺悵然懷古情。洪鐘銘字啓東兵。姦雄早認安康句。殘滅

豐家始有名。方廣寺。鐘有國家安康銘。

雲外曰。誅心嚴筆。快利如刀。

四邊草卉偃威風。我武維揚亞土中。豐國社前存耳塚。隆然

猶見遠征功。豐國社。社前埋征韓役所。獲鼻耳以築耳塚。

古松鬱々擁禪宮。巢鶴夢安重翠中。靜夜遙傳環珮響。鏘然

和月散天風。泉涌寺。後山有帝陵。

冠童絡繹拜祠堂。共仰純忠至德光。一首遺篇千古感。梅花

猶惹御衣香。北野社。

綠水紅林用源順句歲月過。天荒地老古蹤多。神池波起龍王廟。

人誦當年禱雨歌。神泉苑。古來為禱雨地。小野小町。歌。弘法大師遺蹤等多。

一帶鴨河循萬山。清流映照紫孱顏。光風嵐氣名都勝。總在

晶波翠巘間。加茂川。

雲外曰。此題絕唱。廣和長絕。

峭峯兀立碧雲端。點火年年呈壯觀。大字形成空海手。火痕

赤熱雪痕寒。

如意岳七月十六日點火為大字形空海所創。火痕殘雲甚奇。

亂餘土木極紛奢。掠盡銖銜用似沙。暗將不聞民怨哭。心空

殿上詠春花。

銀閣寺。義政所造。閣上曰心空殿。

毅然大節取前賢。蘇武陶潛是首先。孔學夙聞裨國學。詩仙

又見補歌仙。

詩仙堂。詩人三十六家於左右壁上。左以蘇武為首。右以陶潛為首。

三塔峻嶒不易攀。岳基盤屈二州間。峻巒拔地三千尺。雙眼

映來南海山。

比叡山。有東塔西塔。橫川三塔。

奉幣儀嚴致至誠。衣冠整肅佩瓊鳴。更修武德宮中式。鞭策

隆々競馬聲。

加茂社祭。祭後。修宮中武德式舊禮。

深林陰鬱不知晴。徑路崎嶇萬石橫。膚寸雲生天狗過。沛然

急雨老杉鳴。

鞍馬山。

戊戌將軍戈戟功。立威收柄是英雄。東山老退優遊地。古雅

自存高尚風。

金閣寺。義滿以戊戌生。或曰。可以戈戟立武威。

上國秋高起冷飈。勝區景物未蕭條。紅雲斜日楓林暮。人立

嵐山渡月橋。

嵐山。

雲外日。聲調庶乎唐明。

俯戀良人仰戀親。纏綿離恨代恩身。從容謀事貞能孝。烈女

傳中無等倫。

戀塚。袈裟夫人墓。

千年土木見良材。百戰不罹兵火災。金碧燿煌輪奐美。鳳翔

凰舞綠雲開。

平等院。本殿稱鳳凰堂。堂形似鳳凰。屋上又有銅製鳳凰相對。

滿地紅楓小徑幽。古祠雲鎖鹿呦呦。歌仙佳詠傳千歲。不是尋常一樣秋。猿丸大夫祠。在宇治田原村。大夫幽棲地。山上有祠。詠紅葉鹿鳴歌處。

玉座蹟寒苔蘚生。一山皆石亂雲橫。藤公歌詠楠公策。天步

艱難見赤誠。笠置山。有後醍醐帝御座石。面稍平。

英雄末路奈崎嶇。不遂忠臣鼎足圖。遺恨千春芳草綠。空留

原上石浮屠。今井兼平墓。在粟津。石浮屠高四尺。兼平嘗為義仲立三分鼎足之策。

睨隙宗家意險傾。豈知直進躡崢嶸。將軍心事昭々迹。千歲

長傳旭日名。旭將軍塚。在近江義仲寺。

春山曰。史眼透徹。評中肯綮。

胡雛發嘯觀觀情。志士詠歌忠憤誠。國勢推移一千歲。四明

峯上徵衰榮。比叡山。一名四明峯。平將門望宮闕壯麗。生觀觀意。蒲生君平覽皇居修理不及。江戶慨然詠歌。

春山曰。一忠一邪所感如此。常倫之教可忽哉。是千古龜鑑。

聖帝古都湖水涓。山櫻花。落鳥聲悲。和歌猶見恩仇迹。千載

削名人不知。滋賀舊都。在近江。天智帝都。千載集紀忠度歌曰。讀人不知。

老將空知勝敗機。猴郎奮袂疾如飛。驕夫果誤乃翁事。岳半

金瓢山月輝。賤岳。

春山曰。詠史之筆。爛熟愈妙。

乘勝南軍意氣揚。七槍陷陣勇難當。侍臣大喝罵猿面。一死代君忠骨香。毛受勝助墓。

春山曰。起筆最健。雲外曰。子和絕句。於平淡之中。間着警句。有聚翠點花之妙。

南都

七世帝都傳舊稱遺墟到處感衰興青山漠々殘陽影古木
風寒十二陵

靈殿深沉響鐸鈴階前竹柏入雲青千年鎮座多威德爛々

明燈列萬星

春日社地味不適竹柏而社樹獨秀社有奉燈二千七百七十餘基

碧雲綠樹擁崔嵬一市風光畫裏開珠箔捲來天畔翠三峯

送影入樓臺

春日山有本宮浮雲水屋三峯

古陌廢宮遺跡存閑花垂柳舊庭園和歌猶惹征人恨三笠

山頭月一痕

三笠山

景物依稀古帝京雪消靈澤水光清風吹芳草春雲綠遲日

呦々野鹿鳴

春日野有雪消澤

芻蕘皆來雉兔隨羽旄正々見威儀蒼鷹影映池中水猶有

童謠頌往時

野守池雄略帝遊獵地有野鷹來歌

金風玉露錦雲浮頽日映天紅不收燦爛成章菅公詠萬楓

添色照千秋

手向山有菅公歌

僧官寵貴寺封優巨刹巍然聳帝州土木猶傳良匠術塗膏

抹血亦千秋

東大寺

銅像依然舊化城童兒猶記舍那名戰氛兵火一千歲鑄造

八回功始成

盧舍那佛

彫薨畫棟入雲高宏壯規模氣象豪七大寺成豐富後六朝

蓄積似燎毛。西大寺。

萬樹梅開碧水涯。林間踏月一蹊斜。滿溪素影香雲合。人在

花間不見花。月瀨梅。

千林吹雪一朝風。點々疎々水月中。自古此梅多入畫。人工

未嘗及天工。同。

清香薰徹影橫斜。難認雲耶將雪耶。深夜溪村歸路寂。回頭

春月在梅花。同。

國風傳古不消磨。楓樹胡枝萬葉歌。滿目蕭條飛鳥里。荒墟

廢趾夕陽多。飛鳥里。宮趾廢寺多。其地名見萬葉集中。

碧鏡瑩々水滿池。古松翠滴畝傍祠。兆民誠敬如神在。樹德

根深帝國基。榎原宮。有鏡池。翠松繞祠。

萬樹芳葩接遠空。關々黃鳥喚春風。繞花終日尋遺跡。行遍

香雲艷雪中。吉野山。

步步踏花還踏花。石標導客一蹊賒。西行庵外回頭望。依舊

芳林鎖晚霞。同。

林樹縹糊霧半遮。丘陵起伏路傾斜。芳山一日霏微雨。雙屐

尋春踏落花。同。

細雨春深萬樹櫻。追懷往事易傷情。無心四十八瀧水。又送

落花過古京。同。大臺原有四十八瀧。爲一道水。過吉野山下。而爲吉野川。

遊人百里訪芳菲。買醉旗亭晚未歸。靜夜千枝萬枝影。朦朧

和月上吟衣。同。

枕山曰。芳山五首。隨手措字。老幹無枝。風趣橫生。

大義千秋竹帛名。代君一死有光榮。孤墳杯土青。夕草不讓。

芳山萬樹櫻。村上義光墓。

皇家威德一朝宣。英主龍興復大權。老樹猶留千古色。延元

陵上翠參天。後醍醐帝陵。

雲外曰。世稱三南朝詩。詩皆婉麗。說南風之不競。此詩獨與詩人詩大異其立意。盛頌中興大業。雄拔可誦。

宮趾荒涼慘夕暉。頽墻矮屋鎖幽扉。微臣來弔蒙塵迹。泣涕

歔歔濕旅衣。賀名生。有後醍醐村上三帝行宮。矮屋粗壁。玉座遺迹猶存。天步艱難之狀可想。

親王遺迹使人嗟。古碣和歌歲月遐。嗚咽千年蘆瀨水。哀音

依舊似琵琶。琵琶里。又稱善山。蘆瀨川繞麓。有護良親王和歌碑。

雲外曰。南都諸詠。沈鬱蒼涼。事關國史。可以興人心矣。

名臣碑石摩天起。萬樹春櫻花燦矣。開國二千五百年。克忠

克孝唯公耳。小楠公墓。在河內四條。巖神社。碑石高三十五尺。

一木難支大厦傾。鐵兜不復見餘纓。忠臣猶有千秋恨。無念

塚荒幽草生。木村重成墓。在河內若江。俗呼無念塚。無念者遺憾也。

獐虎羸羊力不當。金城鐵甕險難防。男兒義俠庇孤弱。一副

骨頭千古香。玉手村戰迹。在河內。後藤基次戰死處。

霸權已去有商權。百貨流通海陸傳。萬雉大墟塵十丈。唯餘

石壘倚青天。大阪城。攝津。

滿地涼風水接天。燈光篝火影爛星。躔九歌一曲和鑿響。舟載

神輿下大川。天神社。社在大阪市天神橋北。祭管公。七月二十五日夜。神輿下大川。

蘆花露冷浪華城。嘹唳穿雲遠笛聲。一帶長橋秋月好。連雲

鵲影水盈。浪花橋。通中之島。公園鐵橋。

奇籌警策困東軍。墨守堅城第一勳。三世韜鈴龍虎略。楠公

以後獨推君。真田山。大阪役。幸村築寨。固守。屢困東軍。

戰場授敵武夫元。野草淋漓抹血痕。遺迹猶餘雲水寺。春花

秋月弔英魂。茶白山。真田幸村戰死地。戰迹有寺。俗呼雲水。四時景尤佳。

古塚草荒仙骨枯。流光冉冉歲云徂。井邊花落綠陰暗。天畔

生駒山峯影無。能因塚。在攝津島上磐手村。有花之井。結末取法師歌。

征人下馬獨躊躇。古碣草荒松影疎。遺訓一言臣子鑑。不須

充棟汗牛書。櫻井驛。在攝津山崎街道櫻井。

春雲旗影萬檣風。潮水瀾漫浸碧空。神戶市連兵庫港。官街

商社暖煙中。神戶市攝津。

聖詔明。儼典儀。巍峨棟宇起神祠。嗚呼八字忠臣墓。地久

天悠墮淚碑。湊川神社。在攝津。明治四年起祠。別格官弊社。碑在祠傍。

危閣層樓插杳冥。岡陵高處測金星。飛鴻影滅雲低水。遙認

峯巒數點青。諏訪山。在神戶。有金星觀測碑。頂上望淡路紀伊諸山。

西遊詩

山陽山陰。

風吹松翠影婆娑。撒玉白砂涵碧波。佳景天然難著筆。曾無

勝地入詩歌。

舞子濱。播磨明石浦。海濱中第一絕景。然無古人詩歌。

波光浪影接長空。點々風帆隱映中。望海樓頭人俯水。滿襟

涼氣放簾櫳。

明石浦。望海樓。

西征師出有功勳。姬路城高駐萬軍。豪膽猴郎憑閣嘯。大風

搖動一天雲。

姬路城天主閣。秀吉所築。人呼曰太閤丸。慶長五年。池田氏改築。

雲外曰。轉結豪壯。與豐公膽氣相稱。

播備要衝地勢雄。鸞輿不過素心空。三郎夙見中興會。欲奏

先鞭一着功。

舟坂山。橫國道當播備要衝。高德欲要遷幸駕處。

雲外曰。公欲獨力遮禦着中興先鞭。赴義之勇。投機之才。可與楠公並鑣而馳矣。

猾賊僞降堅壘成。官軍一跌白旗城。老姦骨朽塚埋草。反舌

聲寒殘月傾。

白旗城趾。播州赤穂郡。赤松則村城趾。則村所建。寶林寺罹火。古塚埋草。反舌鳥名。

慷慨來題十字詩。忠臣誠意聖明知。低徊感古神祠下。讀遍

千言作樂碑。

作樂社。高德白樹題詩處。在美作國院庄。

壘壘崇墉古木中。地連滄海壯潮通。錦旗擎日征清役。天主

閣高摩碧空。

廣島城。

斷崖潮滿浸祠堂。浮水迴廊屈曲長。最是陰雲波暗夕。白榆

歷々點燈光。

嚴島明燈。宮島八景之一。

青山流水兩依依。煙氣霞光映客衣。麋鹿呦々鳴不已。滿林

落葉澹斜暉。

嚴島紅葉谷。宮島八景之一。

即山曰。宮島八首。閑澹之筆。不失其真。

征清一戰。武威揚。旗影青雲。旭日光猶說。春帆樓上會。媾和獻地。李鴻章。馬關。

鹿門曰。建石刻二十八字。傳之不朽可也。

征雁回飛。落白沙。雲容水色浩無涯。萬松垂地。波灌翠一帶。

淡拖天際霞。

天橋立。丹後與謝郡。

雲外曰。寫出橋立真景。筆如化工。蓋轉結自古歌來。

舉家感激奮勤王。山上義旗雲影颺。天地清明陰氣散。一輪

海日上扶桑。

船上山。伯耆八橋郡。名和長年。奉帝舉義兵處。

良將古來多數奇。功成韜晦避猜疑。流人記否。舉兵日。羸馬

繩轡先會師。

佐々木高綱墓。出雲意宇郡乃木村。高綱隱居地。

一雲外曰。源業之不終。以信讒忌功也。羸馬繩轡句。咨嗟尤深。

八雲山畔百花春。幣帛衣冠致肅禋。天下無雙稱大社。國中

第一仰靈神。

出雲大社。神門郡。左辨官下文曰。天下無雙之大社。國中第一之靈神也。

大義消磨氣索然。勤王跡絕百餘年。行宮長對龕燈影。深恨

不消燒火煙。

後鳥羽天皇行宮趾。隱岐國海士郡。勝田山。帝望。燒火山。觀音堂。燈火。有御詠。

萬仞斷崖濤勢雄。元弘天子建行宮。蒼溟滂渤有雲氣。中

見神龍上碧空。

後醍醐帝行宮趾。隱岐國海士郡。

雲外曰。宮趾作前首說元氣消沈嘆處。紙上澀淚。後首叙國運回復機處。筆端生雲。最有變換之妙。

古廟歲時供潔盛。祝司奉幣下天京。朝廷特舉崇文典。歌聖

新荷一位榮。

人九社。石見國高津山。亭保中。叙正一位。

和兒作衛新年作。

征清役。作衛從伊東坪井二將軍。在幕中時。遼東半島多歸我版圖。

屢報遼東破。韃奴祝聲如涌滿街區。三竿旭日曛。隴影照到皇家新版圖。

青木溫泉二十首。

小縣郡節錄。

夾路青山似舊知。車中屢改去年詩。相逢半是重來客。共說靈泉効驗奇。

屋倚群岩磊砢中。峽間唯有一蹊通。閉窓終日蕭々雨。坐見宿禽投竹叢。

省軒曰。尋常之景。寫來却多意思。

輕雷聲隔碧潺湲。一味新涼動坐間。夢破湘簾斜照徹。片雲

載雨過前山。

山田新川曰。每節穩秀。最爲老手。

病起示人。

起開清鏡照衰顏。自怪身猶在世間。莫是天公憐麗藻。又留殘喘詠溪山。

周甲書懷。

明治二十九年丙申。余年六十一。

讀書終歲愛清閑。陋巷蕭然晝掩關。六十一年如一日。時々收卷獨看山。

近代七傑詩。次鶴堂之韻。

節錄三首。

鎖港誰知外患生。吟花嘯月頌昇平。六無猶有宵々夢。海國

邊防未了情。林子平。

九志夙期皇道興。小庵修靜庵名一書燈。茫茫遺迹三千歲。夢

繞神州古帝陵。蒲生君平。

皇綱墜廢去從誰。美玉深藏匱底奇。滿腹經綸無所用。役來

畫筆漏天機。渡邊華山。

薩藩五傑詩。節錄。秩父太郎。調所廣鄉。小松帶刀。西鄉隆盛。大久保利通。稱五傑。

浩然正氣鬱西州。志士夙懷天下憂。五傑人中推第一。有君

而後有南洲。秩父太郎。

決死青年氣激昂。八千忿々諭無方。功臣誤帶眼前臭。俠骨

長傳身後芳。西鄉隆盛。

丙申仲秋。

去歲更添邦國光。六師渡海武威揚。今年空灑詩人淚。月冷

遼東古戰場。

臺島炎塵海上揚。又無秋月吐清光。從軍萬里多親舊。夜坐

難分一榻涼。

兒作衛書至。作衛時遊于歐洲。

高樓一別惹離愁。山月江雲信北秋。曉夢不過犀筑水。書筒

已到自歐洲。

田家煙。明治三十二年
新春和歌御題。

淑氣融融滿海東。八洲芳草偃仁風。芙蓉晴雪琵琶水。春在

人煙鬱起中。

雪中竹

明年三十三年
新春和歌御題

彩雲開處日光鮮。和氣祥風萬竈煙。甘露結花修竹雪。方逢

聖德至於天。

瑞應記曰王者德至於天
則甘露降而竹葦受之

聞清國匪徒作亂

明治三十三年六月

地軸破摧天柱傾。俄然飛報萬人驚。駐清公使皆遭害。列國

聯軍巨礮轟

有飛報曰北京駐
劄公使皆遭害

高壘飛丸驟雨傾。太沽臺上樹龍旌。聯軍開散皇軍進。一陣

衝颺突喊聲

聞聯合軍拔
太沽砲臺

雁行鶴翼陣雲開。萬銃若雷山欲頽。日本健兒餘勇在。刀光

一閃拔高臺。同

乘機平地起風波。強國企圖權變多。唇齒相依虞與虢。須知

聖意在平和。書懷

西邦情偽果如何。東土前途危險多。大計百年經國業。只憂

輕易動干戈。同

征清軍隊氣騰々。鐵騎曉過遼水冰。黃耳

犬良

又休追老鶴。架

頭磨爪幾蒼鷹

追懷日
清之戰

遼東曝骨極悲酸。戰後經營亦甚難。邦國方逢多事日。戎衣

未見血痕乾。同

劍銃相摩金鐵鳴。日軍上壘國旗明。神州威武軒天地。博得

先登第一名。聞聯合軍陷天津城。

清廷內政亂如麻。匪賊橫行暴日加。頑策欲排開國黨。觀天

坐井誤邦家。傷清國將覆亡。

誰制匪徒逞暴橫。蕭牆夙有禍根萌。人心兩派抱疑懼。袖手

傍觀帝業傾。同。

相依頑主與頑氓。守舊久懷排外情。窮竟自招傾覆禍。物先

腐朽蠹虫生。同。

汙吏貪官邦國傾。韓清弊政弟歟兄。古來最有寒心事。賄賂

公行亡徵明。同。

各邦公使久關情。加害深憂大事生。飛報幾回難確信。暗中

未認一燈明。各國公使。所在生死未審。

強邦夙有併吞情。剖割方知口實生。絕後空前奇怪事。臣使

所在不分明。同。

通商損害及諸州。權利毀傷何以酬。應知列國駐軍隊。內政

竟招干涉憂。同。

賊滿清京益暴橫。經過連月亂難平。使臣危厄焦眉急。不免

神州派大兵。我國派遣大兵。

擊破匪徒頑抗兵。皇軍先入北京城。各邦公使皆無恙。九死

之中得一生。聞聯合軍入北京各國公使無恙。

保守排新廟算違。無端大國陷危機。東洋誰講平和策。善後

唯憂事總非。悲清國前途。

仰天長嘆竟如何。物力凋衰兵備疎。請見西兵東進勢。猛然
大氣入真虛。同

決眦心馳五大洲。強邦對峙有雄謀。陸敷鐵軌海鋼艦。一月

一周全地球。察強國企圖。

一母常期養五兒。勸農開產貯軍資。後王能繼先王志。盟府

長藏顧命辭。同

強國從來智慮深。四條提議意難尋。平和克復非分割。中抱

滔天大野心。同

列國垂涎三尺長。貪狼餓虎繞羸羊。廣袤萬里中華地。見做

東洋大市場。觀東洋大勢。

西歷正迎年二千。宇間大勢逐時遷。太平洋似地中海。列國
來爭商業權。同

恩日仁風雨露濃。三千鳳曆樂時雍。何圖無事靖洲地。變在
強邦馳逐衝。同

四百餘州億萬兒。提携抱負去何之。猛獅鷲鷲來爭肉。酷肖
當年土耳其。同

萬國幸存公法名。強邦難得逞私情。是非利害互矛盾。割裂
議論猶未成。同

洋西開化異洋東。瘠土人民忍耐風。歐客通商航海業。閱年

五百見成功。見歐人航海致富。

理財功勝用兵權。互市利依航海便。七百年前開活眼。歐人

事業制機先。同

亞東諸國慣歐風。徒見人民摸擬工。皮相文明非實用。百般

學藝半無功。嘆東洋諸國不振。

人種言文固不同。無端漸々學歐風。東洋俗習皆柔媚。縮首

貓兒群犬中。

假粧文化奏何功。求異爭新變不窮。群瞽提携從相者。滔々

只欲逐時風。同

作衛曰。大人老後廢筆硯。此詩其口誦而不異於通常言語。然際東洋多事之日。有一片杞憂久而不磨者。

兒作衛歸朝報至。

一別五年。作衛以三十年上歐洲留學途。思萬端。老耄過慮懼危難。今朝自悟愚

痴甚。歸國報來心頓安。

有感。

多感自知元氣衰。年垂七十異前時。雄談壯語皆虛勢。愧我
心中如女兒。

長野新秋。

閑窓獨坐意悠悠。晚逐新涼下小樓。老後尤憐犀北景。松風
蘿月又逢秋。

將遊東京賦示諸友。

書劍無功了此生。空文吐氣獨縱橫。青年不對飛龍策。白首出山遊帝京。

世塵疎處養吾痴。繞屋溪山是舊知。明歲墨堤花落後。又來犀北讀君詩。

上京途中。

自笑山人老益痴。我才菲薄我今知。車窓看過秋林錦。七十行程無一詩。

入京。

吟屋在本鄉西片町新坂高臺眺颯尤豁因扁以平昔所揭白山樓之字。

紅楓綠樹一天秋。危棟雲飛新坂頭。到處風光皆可愛。又扁

大字白山樓。

陰寒。

烏兔匆匆歲易闌。林楓籬菊半凋殘。連朝陰雨新寒動。松髮結珠雲未乾。

征俄詩史。

貯資積粟養貔貅。偉略併吞五大洲。先帝遺言在盟府。子承孫奉到千秋。俄帝遺詔。

張目軒髯意氣雄。徵兵役卒發魚銅。兵符也。驕奢漸見苞苴弊。

為缺彈丸實習功。俄將。

寵將權臣欲保身。悲歌赴戰誓難真。毒哉富貴參酣後。見此

5 剛心挫折人。俄將。

精兵悍卒勇難侵。頑猛曾無畏怖心。爭養阿羅比亞馬。堅蹄

高脊躍三尋。俄兵。

俄軍南下指歐洲。久據堅城兵不收。克利米亞之役。又略東亞逞橫暴。

奮然敵愾起神州。俄軍南下。

風雲慘愴動干戈。戰隊錚々金鐵摩。一母五兒爲那事。文明

世界破平和。風雲慘愴。

俄人暴豈可看過。志士激昂彈劔歌。斷賜使臣歸國券。二邦

從是接干戈。日俄開戰。

日州艇隊殄清兵。歐米強邦心膽驚。沈勇氣炎衝鐵艦。又聞

俄卒叫號聲。旅順之戰。

皇國男兒氣吐虹。笑臨死地立奇功。此般始奏完全績。赫々

武威揚日東。同上。自註曰第二句言我軍人有素養。是所以字內無勁敵也。

敵艦燒沈爆響轟。健兒帶笑祝開兵。旭旗燦爛雲飛動。遠震

滄洲萬歲聲。仁川之役。

殷々巨砲動京城。八尾島邊開戰爭。無復敵丸能命中。應於

此役卜輸贏。同上。

甲辰之役起也。先君在東京。慨然曰。今也六師奮鬪於海外。而吾類老不得備戎行。致死命。思報國恩。獨唯文章。歌頌忠烈。褒揚義勇。以至死之日耳。即使作衛日々報戰况。

直賦絕句。猶甲午之役。草征清詩史。不幸病革。賦至仁川之役。而不起。今讀之。雖有缺鍛鍊之憾。然先君精神所注。不忍削去。揭之卷尾云爾。

明治四十年九月將赴歐洲時

男作衛拜註

白山詩集卷六終

明治四十三年五月一日印刷
明治四十三年五月三日發行

定價金貳圓

著者 高橋白山

發行者 高橋作衛
東京市本郷區曙町十三番地

印刷者 神谷次郎
東京市日本橋區兜町二番地

印刷所 東京印刷株式會社
東京市日本橋區兜町二番地

發賣所 清水書店
東京市神田區今川小路二丁目

詩經卷之五

卷之五

卷之五

卷之五

卷之五

卷之五

詩經卷之五

卷之五

